

Pendebat UMS bersaing pada Kejohanan Debat Dunia

DE 5.2.2014 7

KOTA KINABALU: Universiti Malaysia Sabah telah menghantar dua pendebat ke Kejohanan Debat Universiti Dunia (WUDC) yang berlangsung di Rajalakshmi Engineering College, Chennai, India baru-baru ini.

Menurut Pegawai Jabatan Hal Ehwal Pelajar dan Alumni UMS, Rohani Hadi, pelajar dari Sekolah Perniagaan dan Kewangan Antarabangsa (SPKAL), UMS Kampus Antarabangsa Labuan dihantar sebagai usaha untuk memberi pendedahan dan pengalaman dalam acara berprestij untuk dikongsi kepada pendebat pelapis universiti.

"Hasilnya, daripada 360 universiti yang turut serta; pendebat UMS berada pada kedudukan yang ke-313. Kedudukan yang diluar jangkaan kerana kita masih mampu mengatasi beberapa universiti dunia walaupun dari segi pengalaman kita jauh lebih muda berbanding mereka," ujarnya ketika ditemui pemberita pada



Tey



Johnson

Selasa.

Sementara itu, salah seorang pendebat, Tey Jun Qian ketika ditemui berkata, beliau tidak gentar terhadap saingan dari universiti lain, malah menganggap itu sebagai penyuntik semangat untuk memberikan persembahan yang terbaik.

Namun katanya, persaingan yang sengit daripada universiti-universiti terkemuka menyebabkan mereka terpaksa akur dengan pencapaian tersebut.

Bagi seorang lagi pendebat, Johnson Wong Qian Sheng berkata, pengalaman beraksi pada kejohanan

bertaraf dunia itu memberi seribu manfaat khususnya dalam melihat sendiri kepelbagaian teknik debat para peserta dari universiti-universiti tersohor antarabangsa.

"Banyak ilmu yang kita pelajari dan boleh dikongsikan kepada rakan-rakan yang lain. Secara peribadi, penyertaan dalam pertandingan ini juga meningkatkan keyakinan diri saya untuk beraksi dengan lebih mantap dalam mana-mana pertandingan debat pada masa akan datang," katanya.

Kejohanan selama sembilan hari itu menyaksikan pasukan debat UMS mara sehingga ke pusingan ketiga sebelum tewas kepada Glasgow University Union, United Kingdom dan University of Melbourne, Australia.

Terdahulu, pasukan UMS telah mengalahkan beberapa universiti seperti Moscow State University (Russia), Yogyakarta State University (Indonesia) dan Aoyama Gakuin University (Jepun).